

Ո Ր Ո Շ ՈՒ Մ թիվ – 251/3
վարչական տույժ նշանակելու մասին

«13» հոկտեմբերի 2020թ.

ք.Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Դավիթ Խաչիկի Շահինյանի վերաբերյալ նյութերը.

Պ Ա Ր Զ Ե Ց Ի՝

2020 թվականի հուլիսի 31-ին ՄԴՊ վարչության Գուգարքի տարածաշրջանային բաժնի Բագրատաշեն մաքսային կետ-բաժնի և ՀՀ ԱԱԾ Տավուշի աշխատակիցները զննման են ենթարկել ՀՀ-ից ՎՀ մեկնող, Դավիթ Շահինյանի կողմից շահագործվող «MAN» մակնիշի, 80GO033 հաշվառման համարանիշի ավտոմեքենան, ինչի արդյունքում նշված ավտոմեքենայի սրահի հանգստի համար նախատեսված հատվածում պատրաստված թաքստոցում հայտնաբերել են թաքցրած 181 կգ քաշով ծխեցված սիգ տեսակի ծուկ:

Փաստի առթիվ Դավիթ Շահինյանի նկատմամբ ՀՀ մաքսային օրենսգրքի 201-րդ և 203-րդ հոդվածների հատկանիշներով կազմվել է մաքսային կանոնների խախտման վերաբերյալ արձանագրություն, իսկ 181 կգ քաշով ծխեցված սիգ տեսակի ծուկը վերցվել և ի պահ է հանձնվել «Ուրբան Լոջիստիկ Սերվիսիս» ՓԲ ընկերության ժամանակավոր պահպանման պահեստ:

Վարչական վարույթի իրականացման ընթացքում Դավիթ Շահինյանը բացատրություն է տվել այն մասին, որ սույն թվականի հուլիսի 31-ին իր կողմից շահագործվող, «MAN» մակնիշի, 80GO033 հաշվառման համարանիշի բեռնատար ավտոմեքենայով պատրաստվում էր մեկնել է ՌԴ ապրանքներ տեղափոխելու: Բագրատաշեն մաքսային կետ-բաժնում իրեն են մոտեցել ՀՀ ՊԵԿ ՄԴՊ վարչության աշխատակիցները և մեքենան զննելուց հետո հայտնաբերել թաքցրած 181 կգ քաշով ծխեցված սիգ տեսակի ծուկ: Հայտնել է, որ վերոնշյալ ծուկը չի հայտարարագրել և թաքցրել է, քանի որ չի ունեցել համապատասխան փաստաթղթեր, ձկան մաքսային ձևակերպումները իրականացնելու համար:

Դավիթ Շահինյանի կողմից մաքսային հսկողությունից թաքցնելով, ՀՀ մաքսային սահմանով տեղափոխված 181 կգ քաշով ծխեցված սիգ տեսակի ձկան շուկայական արժեքը որոշելու համար 10.08.2020թ.-ին նշանակվել է <<Ապրանքագիտական փորձաքննություն>> որի կատարումը հանձնարարվել է ՀՀ «Փորձագիտական կենտրոն» պետական ոչ առևտրային կազմակերպության փորձագետին:

01.10.2020թ.-ի որոշմամբ Դավիթ Շահինյանի վերաբերյալ վարչական վարույթի ժամկետը երկարաձգվել է՝ մինչև փորձագիտական եզրակացություն ստանալը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 25.09.2020թ. թիվ 24142010 եզրակացության համաձայն(ՀՀ ՊԵԿ մուտք 13.10.2020թ.) փորձաքննությանը ներկայացված 181 կգ քաշով ծխեցված սիգ տեսակի ձկան շուկայական արժեքը 2020 թվականի հուլիսի 31-ի դրությամբ կարող էր կազմել 162900 ՀՀ դրամ:

ՀՀ ՊԵԿ մաքսային հսկողության վարչություն 16.10.2020թ. թիվ Ն/8-1/165845 գրության համաձայն՝ 25.09.2020թ. թիվ 24142010 եզրակացությունում նկարագրված 181 կգ քաշով ծխեցված սիգ տեսակի ձկան մաքսային արժեքը 2020 թվականի հուլիսի 31-ի դրությամբ կարող է կազմել 162900 ՀՀ դրամ:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգերով ձևակերպվող ապրանքների հայտարարատու կարող է հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքները Միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 260-րդ հոդվածի 1-րդ մասի 2-րդ ենթակետի համաձայն՝ մաքսային հայտարարագրման ենթակա են ցանկացած եղանակով միության մաքսային սահմանով տեղափոխվող անձնական օգտագործման այն ապրանքները, բացառությամբ անձնական օգտագործման տրանսպորտային միջոցների, որոնց հետ կապված, պահպանվում են արգելքներն ու սահմանափակումները:

ԵԱՏՄ մաքսային օրենսգրքի 260-րդ հոդվածի 14-րդ կետի 1-ին մասի համաձայն՝ որպես անձնական օգտագործման ապրանքների հայտարարատուներ կարող են հանդես գալ 16 տարին լրացած՝ անդամ պետությունների ֆիզիկական անձինք կամ օտարերկրյա ֆիզիկական անձինք, որոնք Միության մաքսային սահմանը հատելու պահին Միության մաքսային սահմանով ուղեկցվող ուղեբեռում տեղափոխվող անձնական օգտագործման ապրանքների նկատմամբ ունեն տիրապետման, օգտագործման եւ (կամ) տնօրինման իրավունք: Օրենսգրքի 84-րդ հոդվածի համաձայն՝ հայտարարատուն պարտավոր է կատարել ապրանքների մաքսային հայտարարագրում, սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր, ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով, վճարել մաքսային վճարները, հատուկ, հակազնազցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդված 3-րդ մասի համաձայն՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Դավիթ Շահինյանը 2020 թվականի հոկտեմբերի 13-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Այսպիսով, նյութերով պարզվել է, որ 2020 թվականի հուլիսի 31-ին ՀՀ ՊԵԿ Բազրատաշենի մաքսային կետ-բաժնի աշխատակիցները զննման են ենթարկել ՀՀ-ից ՎՀ մեկնող, Դավիթ Շահինյանի կողմից շահագործվող «MAN» մակնիշի, 80GO033 հաշվառման համարանիշի ավտոմեքենան և ավտոմեքենայի սրահի հանգստի համար նախատեսված հատվածում պատրաստված թաքստոցում հայտնաբերել թաքցնելով ՀՀ մաքսային սահմանով տեղափոխված 181 կգ քաշով ծխեցված սիգ տեսակի ձուկ, այսինքն՝ Դ՝Շահինյանը թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, Դավիթ Շահինյանի բացատրությամբ, ՀՀ «Փորձագիտական կենտրոն» պետական ոչ առևտրային կազմակերպության փորձագետի 25.09.2020թ. թիվ 24142010 եզրակացությամբ և ՀՀ ՊԵԿ մաքսային հսկողության վարչության գրությամբ:

Վերոգրյալի հիման վրա և ղեկավարվելով ՎԻՎ օրենսգրքի 281-րդ հոդվածով, ՀՀ մաքսային օրենսգրքի 201-րդ, 206 և 221-րդ և 224-րդ հոդվածներով,

Ո Ր Ո Շ Ե Ց Ի՝

1. Դավիթ Խաչիկի Շահինյանին (ծնված՝ 01.03.1985թ., ՀՀ քաղաքացի, միջնակարգ կրթությամբ, բնակվող՝ ՀՀ, ք. Վանաձոր, Մաշտոցի փ., տ 100, Անձնագիր՝ AT 0524811) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել 181 կգ քաշով ծխեցված սիգ տեսակի ձկան մաքսային արժեքի չափով՝ ընդհանուր 162900 ՀՀ դրամ: /Վճարումը 900005024055 հաշվեհամարներին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3.ԵԱՏՄ Մաքսային օրենսգրքի 98-րդ հոդվածի 4-րդ մասի համաձայն որոշումն ուժի մեջ մտնելու օրվան հաջորդող օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանության:

4.Որոշման մասին հայտնել Դ"Շահինյանին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



ԱՐՄԱՆ ՄՆԱՑԱԿԱՆՅԱՆ